



國家清史編纂委員會·文獻叢刊

清代詩文集彙編

國家清史編纂委員會·文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 二五三

文穆公遺文二卷文穆公奏疏一卷文穆公遺詩一卷 徐 本撰

一

南阜山人詩集類稿七卷 高鳳翰撰

三七

南阜山人數文存稿十五卷 高鳳翰撰

一〇三

孫文定公全集十二卷首南遊記一卷 孫嘉淦撰

二六九

幻花菴詞鈔八卷 張 梁撰

五七七

思無邪齋集二十卷 何夢篆撰

六一九

文穆公遺文第三

誦芬詠烈編卷二十八

父作子述世德相承章平事功義獻文字在人耳
目何待贅陳願得諸風霜兵燹以還益以見弓冶
箕裘之美泯焉不載負荷何從因編 文敬公遺
文而次 公作於後

日月合璧五星聯珠賦

財成天地驅馭陰陽德動三光之鑒兆開七政之祥
位直乾宮是號歟嘗之地象占清廟正躔營室之鄉

徵

一人之有慶應元會之光昌原夫二曜之進退有常

誦芬詠烈編 卷二十八 文穆公遺文 第二

五星之遲速異候運行則一晷而一寒循環則為夜
而為晝中道迴旋九行紛糝長庚每前鎮星彌後求
躔次之適符歷古今而罕覩緬彼顛頊瑞叶履端攝
提有紀是為歷元聚東井則漢高乙未之歲聯奎宿
則宋祖丁卯之年言乎數數際休明之運考乎時時
逢交泰之天茲惟我

皇勳華為偶文武聖神高明博厚物喜阜昌民多仁
壽致有道兮麗層穹奉無私兮光九有宜天道之下
濟與人事而相維靈臺察候馮相占時已卯之月庚
午之期雙輪重重而表異五緯累累而呈奇萬里風

清九霄雲霽繫連城於天中懸照乘於海裔睹黃琮
之煙暝蔚矣錦章仰紫貝之光寒煥然綺麗璧惟兩
而合則同明珠有五而連之並照荆山之產未足比
其清輝合浦之珍詎能方其朗耀宜乎兆庶雀躍道
途卿士鳧趨廊廟

皇上迓天庥而多讓辭大美而不居湖咸召之有自
寶積累之所餘善繼善述兮保乂寰宇有倫有則兮
憲章典謨惟天降祥於

元后惟

后錫福於八區頌升恆於

誦芬詠烈編 卷二十八 文穆公遺文 第二

萬歲驗正平於六符 臣 幸依日月欣瞻星斗際大觀
之在上垂史冊而不朽擬績事以成文愧鄒枚之賦
手

萬年頌有序

臣 聞德協清寧永建億年之景運勳函宇宙式膺萬
載之貞符穆穆淳風仰溯循蜚疏仡彰彰鴻業遐稽
鳥紀雲官從來神聖之挺生必得岡陵之上壽乃自
陶唐之後幹支之承敘昭然載陳無逸之書殷周之
歷年可數始知寶籙瑤圖之篤慶至
今日而加隆三辰五岳之迓祥冠中天而首出欽惟

我

皇上廣運齊堯光華軼舜

心參化育宏陶鑄於三才

道貫苞符煥經綸於四府格

穹答

吳勤宥密之緝熙纘

緒承

謨凜儀型之夙夜薄海塵尊親之戴普天蒙

仁壽之庠史冊之所絕無古今之所僅有爾其德由

天縱道積淵修集金聲玉振之大成一中允執綵東

誦芬詠烈編

卷二十八 文穆公遺文 第三

壁西清之秘要萬卷森羅濬洙泗之長源師表尊夫

萬世揭紫陽之正學俎豆列於四科

天藻輝煌制作迥高百代

御書炳耀榮光上燭九霄

經筵勤典學之規岸先登而弗懈律厯顯探微之論

鏡屢照而常激文柄宜嚴慎選提衡之任賢關既敞

益宏登俊之途

聖人之誕敷文德也迺若削平藩鎮跨唐時雪夜之

功掃蕩海氛軼漢世樓船之績永清北漠殊方服威

德而奉

天朝道震西陲絕域荷生成而編屬國或六軍親總
行閱瞻

神武之布昭或一將宣威聞外賴

宸謨之指授祁連積石俱傳振旅之銘崑崙析支益

謹織皮之貢

聖人之耆定武功也至於深籌疏瀹北河垂永定之

名仰賴平成高堰障清淮之瀆使畿輔成爲沃壤東

南胥慶安瀾而且修問俗之文舉省方之典廣勵臣

工勤施政事小廉大法內外無不飭之官方綱舉目

張鉅細無不熙之庶績

誦芬詠烈編

卷二十八 文穆公遺文 第四

聖人之開物成務也及夫環九州之域遞賜田租酌

太倉之儲并蠲漕運計數輒踰於千萬施恩不啻於

再三況嘉石風清祝網而頻加寬釋圍扉春益按律

而屢減重條洽期底於無刑仁每加於法外

聖人之行慶施惠也由是道隆而福備德盛而化神

受小共大共受小球大球梯航畢至莫敢不來享莫

敢不來王冠帶駢羅天馬狡狴悉歸苑囿華平朱草

紛秀階墀而

皇上以民安俗阜爲嘉祥以歲稔時和爲上瑞屏封

禪而弗事辭

鴻號而弗居操持主敬之心周浹好生之德動靜咸歸於至正謨謀必計夫萬全極剛健中正而粹精配博厚高明而悠久惟至誠之無息信久道之化成茲者歲紀重光甲子周而復始歷開萬葉純嘏引而彌長八紘騰華祝之聲六幕會嵩呼之響三垣拱北璿璣映南極之輝萬派朝東嶰竹叶西池之瑄天人洽慶海宇同春臣世沐

恩波深叨

覆露矢心感激竭志廣颺謹按小雅天保之章詒福而稱萬壽大雅江漢之什錫祉而頌萬年昔爲祈祝

誦芬詠烈編卷二十八文穆公遺文五

之詞今驗縣長之實謹拜手稽首而獻頌曰

皇帝御極恭己垂裳仁育義正德洽萬方保定孔固長發其祥

堯眉益壽

軒應彌昌睿知聰明上達

天德

聖性安妥

聖修翼翼聲律身度不聞亦式緝熙光明繁敬之力造我區夏山川砥平道兼創業光啟守成櫛風沐雨歲時

巡行自強不息乾健是程南郊告虔明堂宗祀必躬必親齋心敬止對越馨香精嚴祝史萬國駿奔錫福受祉

九重典學乙夜加勤經經緯史旁羅藝文

奎章揮灑焜耀卿雲羣臣雜誦億載揚芬

壽考作人譽髦斯士於論鼓鐘傳於璧水載歌鹿鳴載讌聞喜人文化成彬彬遐邇

帝揚武烈

睿算如神掃除三葉海島悉臣天山掛弓屬國歸仁莫安荒服玉關無塵

誦芬詠烈編卷二十八文穆公遺文六

帝念民依恩敷禹甸綏萬屢豐獨租歲徧析楊久臥

和風永扇閭澤大來海隅清晏地平天成以水爲端

北河南堰底績廻瀾

六龍屢幸圖民乂安功高勗氏敷土隨刊

帝勤萬幾尤敦儉樸日昃不遑衣存澣濯崇政邇英

日親講幄咸五登三

皇猷卓犖祥符瑞應溢於簡編

帝心所向孝弟力田嚴恭寅畏勿懈益虔堂堂壽域

光被八埏

玉應無疆昌辰欣觀閭閻洞開簫韶迭奏大小臣工

奉觴輻輳

天子萬年與天齊壽

寶座銘

大寶曰位底定四方聖作物觀恭己垂裳黃屋丹宸
世有典則膺籙受圖懋昭令德南面而聽居高臨卑
聲律身度惟敬之為曰禮制心曰義制事記動記言
史左右侍雕龍飾螭追琢其章保定孔固恢廓絃網
承式百官平章百姓萬邦時雍萬年表正

右三篇俱見 皇清文類

金地山建恭毅趙公廟碑記

誦芬詠烈編 卷二十八 文穆公遺文 七

吾師趙恭毅公撫浙二載浙民思之不置謀建祠於
吳山之巔以崇禋祀乾隆五年民益欣踴環籲於當
事必得請乃已時公冢孫副使君侗敦適典鹺政於
浙仰體先志不欲勞民捐已俸以營建落成之日縉
紳士庶鰲老童孺懽呼駢集如公更生瞻仰栗主稽
首墀下相與徘徊眷戀不忍去思所以銘功載德勒
諸貞珉以垂不朽乃眾郵書京師丐余文以述之余
思大臣之鎮封疆也以正己率屬移風易俗為本故
所居見德既去見思我公忠誠廉直彪炳天壤儻件
繫一二事以為公之功在是是掇一拳以頌岱嶽

一勺以測滄溟也烏足以盡公公本華胄由名進士
起家商邱令以比部家居膺

特簡開藩於浙旋陟大中丞撫浙時建節鉞者率與
馬堅良帷帟璀璨蒼頭廬兒亦服飾鮮華炫熿於道
所至供帳美備珍錯飲及輿臺公之赴浙也敝衣非
食蕭然若糞人子憊從不滿十人罷卻一切供億公
案以絳布為帷日給脫粟數升非賓燕不肉食公非
徒崇儉也以為官邪必由侈費吾導以儉浙屬十一
郡七十二州邑官孰敢瘠民以肥己者中丞之職上
承

誦芬詠烈編 卷二十八 文穆公遺文 八

天子德意下撫數千里之眾章奏疏議符檄文告日
填委無暇晷前後撫浙者延幕友十許人然後集事
公幕中未嘗有記室事皆躬親絕不假手胥吏未辨
色而興至丙夜焚燭治文書不息夏弗扇冬弗爐敦
敦簿領閱詳審精密且敏給無留事雖武林有湖山
之勝未遑一出遊也以故屬吏咸畏服若神無敢有
纖毫欺苟民被公之澤無窮而化公之勤儉者風俗
亦蒸蒸丕變至今耆民猶能述公之所為舉手加額
因歎獻不能自己公後移節湖湘晉御史大夫總持
風紀長地官制國用位望日益崇肩荷日益重而公

之敝衣菲食如故其盡瘁職事手營目治不假仗助
一如撫浙時公方嚴謹恪未嘗一日弛其敬而遇事
審諱百折不撓蓋祇知有

國不知有家知有

君不知有身其風節凜然海內傳誦而吾浙之人尤
喜聞而樂道之曰此我公之所為吾儕小人於撫浙
時而已信其必有是也今公之忠蓋已上邀

聖鑒奉

命祀賢良祠所蒞之地若商邱若湖南靡不俎豆而

尸祝之其在吾浙蒞事日淺而浙人之感戴思慕不

誦芬詠烈編 卷二十八 文穆公遺文 九

後於商邱湖南者蓋公之精誠貫徹其化淪肌浹髓
無間於久暫故閱四十年而謳思如一日也余雖忝
公門下士然斯文非余一人之言浙水東西數千萬
戶之公言也然則斯碣也與羊公峴首之碑奚異焉
右見西湖志

江都縣知縣王孝升府君墓表

文林郎江都縣知縣加二級王君元稹字孝升號珠
川予師文節先生季子也少負雋才與兄滄洲文名
藉甚壯時坎坷不得志乙酉以五經魁於浙辛丑成
進士雍正二年授南平令引

見特調江都甫下車開粥廠九以賑災民他如修城
堞葺學宮復僧舞救江溺禁差役設紙皂崇節烈恤
獄囚善政不可枚舉四年秋分校南闈遍閱八百餘
卷拔士七人勞瘁得疾反署而歿時九月十五日年
六十有三士民巷哭市臨者纍纍不絕相與質衣作
佛事為君資冥福元配汪氏繼娶厲氏子二人學謙
考授經歷學呂業儒女五人適裴璜程世雄李煥餘
字諸氏薛氏孫兆梅兆桂君喪歸貧不克葬二子售
住宅乃克以十二年九月六日葬君黃鶴山先塋之
右予適奉

誦芬詠烈編 卷二十八 文穆公遺文 十

命來故里君兄子雲廷孝廉以為請爰摭行狀大畧
以識其葬云

右見王文莊公家乘

誦芬詠烈編卷二十八

裔孫琪謹編

文穆公遺文第四
重修蔡氏宗譜序

誦芬詠烈編卷二十九

天下有貴人無貴族有賢人無賢族故有縉紳之嗣
下降為輿隸而王侯將相多興於編伍閒者以人之
能自貴也明聖之胄不必俱肖而聖賢豪傑往往起
於閭巷之子者以人之能自賢也吾浙越州蔡氏本
周室同姓之國春秋時苗裔析居洛陽秦漢而下不
絕如縷宋建炎初叅知政事公諱宏者由洛陽南遷
渡錢塘入會稽買舟溯流而上卜居諸暨之開化鄉
嗣後椒枝蕃衍散處他方獨宋儒千九公隸籍茲土
誦芬詠烈編卷二十九文穆公遺文第四
衍紫陽白鹿之傳學者宗之號為西山適嗣由元迄
今累葉科名人文輩出凡先世之鴻功駿德嘉言懿
行可垂為家乘光者指不勝屈歲戊申族之長老輩
慨世代就遠支分派別者眾因議修輯以定昭穆蓋
自叅知政事公以下凡二十三世考大宗小宗之法
依廬陵眉山之傳訂訛正謬既精而且貫焉俞蕪補
闕復簡而又詳焉時歷寒暑厥功迺成蔡氏寓書請
序於余余不敏何以謝蔡氏請哉爰即其意而詳告
之曰凡君家之為是譜者非徒別親疏察同異而為
億萬世宗祧計也蓋欲使後之子孫其修德而有文

者為之稱述以旌其行而事迹較晦者俱得以例書
之故列其爵秩足以補史傳人表之遺即家食不出
而載其高尚之志且將以廉頑而立懦如是庶世之
觀是譜者皆得歷指其名而議之曰某也賢某也不
某也貴某也賤於戲可不懼哉

右見越中蔡氏宗譜蔡臞客明經啟盛錄示後署

云雍正七年歲次己酉翰林院侍讀學士提督貴

州學政年通家侍生某蓋 先文穆公視學黔中

時所為也臞客云署爵不於握樞之時而仍其先

時乘輅之舊尤可證非偽託良然 琪謹誌

誦芬詠烈編卷二十九文穆公遺文第四

誦芬詠烈編卷二十九

裔孫琪謹編

文穆公奏疏第五

誦芬詠烈編卷三十

昔唐虞之世敷奏以言秦漢以來上書稱奏劉勰蔡邕論之詳矣是以直諫忠愛昭於文鑑春容暢達美夫舜咨從未有芻蕘陳詞與 廟謨並列臣工拜讜偕 聖諭交輝昔在先臣後先通籍因時陳奏輒荷 優容然孔光削稿世莫能知羊祜焚章人多罕覩是以史有定論家無藏疏獨雍正時奉 敕校定 硃批諭旨所載臣下奏摺二百一十三人先臣本乃以三十七疏仰蒙 俯采臣家既無藏稿轉以得邀 乙鑿藉識遺歎惟當日誦芬詠烈編 卷三十五 文穆公奏疏第一 硃批未敢擅刻因就錄原疏次於是帙較之純仁集政府之奏議分爲四門長年摻文毅之遺書略爲一卷雖同爲哀輯出自後人而上溯 恩榮超乎前軌矣

貴州學政 臣 徐本謹

奏爲黔省慶雲七現

聖世上瑞光昭事雍正七年閏七月二十日據思州府學教授張克惠訓導廖錦報稱本年七月初八初九初十十七十八二十二等日府城疊見五色慶雲散布天表光彩射日閩府士民男婦老幼無不額手

稱慶理合申報等情到 臣 又 臣 面見督撫司道諸臣

僉云黎平協副將趙文英因清理古州八萬苗疆在梅得寨後山單刀嶺上劄營據報稱於七月二十五日從未至酉忽見五色祥雲從西南起光映旌旗璀璨奪目凡在營官弁漢土兵民及歸順苗衆盡皆踴躍歡呼共稱奇瑞 臣 伏查慶雲紀瑞自古爲昭應稽史冊所載暫者一朝久者復旦卽屬嘉祥未有一月之中七日疊見如

今日者也黔地素稱瘴雨蠻煙晴日常少數年以來風景和明雨暘時若與中土無異今值萬寶告成之候欣遇五雲呈瑞之奇九霄遞曜七日連輝仰瞻雲物之昭回羣慶

誦芬詠烈編 卷三十五 文穆公奏疏第二

天心之篤祐 臣 無任踴躍歡忭之至爲此繕摺奏聞 謹

貴州學政 臣 徐本謹

奏爲黔省嘉禾徧野年登大有事竊照黔省邇年以來日暄雨潤年歲順成今歲自春迄秋風雨更爲調順 臣 巡歷所至凡山田水田高高下下盡皆稔黍敷華稻梁垂穎慷慨或或粍隰如雲今時值秋成豐收

華稻梁垂穎慷慨或或粍隰如雲今時值秋成豐收

數倍高粱穗長一尺七八寸有一莖十五穗者其餘一莖八九穗六七穗四五穗者甚多禾穗長七八寸至一尺不等一莖數穗者亦甚多小米穗長至二尺及一尺七八寸不等且有一莖二十七穗者其餘一莖數穗者隨在皆是至於各種雜糧亦皆豐盛繁碩數倍常時即新附苗疆亦與內地收成無異現在米價日見平減萬民樂業比戶盈甯臣目覩大有之農祥喜共與情之歡忭謹據實具摺奏

聞謹

奏

誦芬詠烈編卷三十五文穆公奏疏第三

貴州按察使臣徐本謹

奏為恭謝

天恩事竊臣一介微末叨蒙

皇上特簡視學黔省兩載冰兢涓埃未報茲復荷

殊恩補授貴州按察使伏念廉使為刑名總匯之官

臣以菲材膺此重任深懼不克負荷聞

命之下感悚交并跪讀

硃批諭旨欽此欽遵惟有盡屏科甲陋習竭力黽勉

效法督臣鄂爾泰之居心行事以仰副我

皇上訓誨策勵之至意所有微臣感激愚忱謹具摺

奏謝伏乞

睿鑒謹

奏

江蘇按察使今陞湖北布政使臣徐本謹

奏為恭謝

天恩事竊臣世受

國恩毫無報稱蒙

皇上屢加拔擢由貴州按察使調補江蘇按察使於

到任視事後見江蘇案件繁多臣才識短淺深懼隕

越茲復荷

誦芬詠烈編卷三十五文穆公奏疏第四

天恩陞授湖北布政使聞

命之下益深感激倍切悚惶伏念藩司為財賦出入

之所關承宣乃吏治民生之攸繫臣以菲材膺茲重

任惟有時時敬釋

聖訓盡屏科甲陋習秉公任事實力黽勉以仰報

高厚隆恩於萬一所有微臣感激愚忱理合繕摺

奏謝伏乞

皇上睿鑒謹

奏

湖北布政使臣徐本謹

奏為陳明交盤錢糧事竊臣荷蒙

皇上天恩陞授湖北布政使於到任後據原任藩司

徐鼎及署司張廷樞各將任內交盤冊籍移交到臣

俱逐一查清收受明白造冊具結詳送督臣邁柱

撫臣魏廷珍查核盤庫具

題所有存公耗羨銀兩臣亦查收明白現將歷年支

用款項造冊具詳督撫二臣送部查核又查湖北額

徵錢糧共銀一百一十一萬九千五百三十六兩有

零歷查檔案每年

奏銷時各屬固多依限通完者惟武昌府屬之江夏

諸芬詠烈編卷三十五文穆公奏疏第五

縣漢陽府屬之孝感縣黃州府屬之黃岡縣安陸府

屬之鍾祥縣及沔陽荆門二州荊州府屬之江陵縣

每歲俱有拖欠於

奏銷之時統計有未完十餘萬者有未完五六萬者

雍正八年分錢糧臣於雍正八年十二月二十六日

到任時查以上各州縣歲內僅完三四五分不等臣

思錢糧輸將遲延不獨關乎

國賦亦且係乎民風隨經嚴檄各州縣將一應未完

錢糧開造花戶的名實欠清冊躬親核明總撤相符

照欠逐戶出示遍曉令民查對欠數清楚寫發滾單

酌量分限行催完即分別獎賞其抗欠頑梗之士民

侵收包攬之胥役盡法懲創并勒完納今屆

奏銷之時沔陽州完至七分荊門州完至八分餘皆

完至九分以上此時尚有陸續解司者較之往年漸

次清理至於雍正九年錢糧現在照例按分徵輸以

清國課所有藩庫交代清楚情由理合具摺奏

聞伏乞

皇上睿鑒謹

奏

諸芬詠烈編卷三十五文穆公奏疏第六

湖北布政使臣徐本謹

奏為仰承

聖訓恭謝

天恩事雍正九年正月初二日臣進摺家人回楚跪

接

硃批諭旨能於公私真偽之際審辨明晰體認透徹

更加以操存有定造次不移則何任不勝何事不辦

也欽此臣跪讀之下倍深感佩惟有密加省察謹凜

操持隨時隨處體驗力行以仰副

皇上勗勉之至意今年湖北二麥收成自六七分至

八九十分不等入夏以後雨水更為調勻此時早稻
登場最為豐稔晚禾滋茂足驗有秋臣謹據實附陳
敬將奉到

硃批原摺一併恭繳謹
奏

湖北布政使臣徐本謹

奏為恭謝

天恩并陳下悃事雍正十年三月二十一日蒙大學
士鄂爾泰等字開雍正十年三月初六日奉

上諭湖北從前巡撫多退縮因循不以實心任事今

誦芬詠烈編卷二十五文穆公奏疏第七

王士俊新到諒必振作整頓不肯因仍舊習徐本身
為藩司當協助撫臣同心辦理方於公事有益若為
習俗所染仍存觀望草率之念則伊自蹈過愆負朕
之期望矣爾等可傳旨訓諭之欽此遵

旨字寄到臣捧讀之下不勝惶悚隨望

關叩頭謝

恩訖伏念臣世受

國恩毫無報效蒙

皇上教誨成全屢加擢用歷陞湖北藩司臣感激

天恩時時儆惕奮勉到任一載有餘凡地方公事靡

不實心向前辦理今撫臣王士俊莅楚方新自應振
作而亟於表見豈能事事合宜臣有通省地方之寄
固不敢偏執已見有意抗違亦不敢逢迎上司阿意
曲從祇緣照糧均丁一案撫臣於摺

奏後將摺稿示臣云此事我已

奏了奉

旨與督臣商酌題請特與你看等語臣以事關通省
章程行之已久若欲更張必須細細籌畫現今奉

旨與督臣商酌自應遵

旨俟督臣於湖南看舵桿洲工程回署時公同商酌

誦芬詠烈編卷三十文穆公奏疏第八

行牌到司再加查確議詳及督臣回署偶因抱病未
經飭議而撫臣亦無牌行司臣無憑議詳撫臣或於
此事嫌其遲緩疑臣觀望不為協助亦未可定今閱

臣傳

旨訓諭臣自當益加奮勉協助撫臣同心辦理但地
方庶務繁多惟辦理之是非不拘迹之同異要當公
事公辦詳慎商酌方無貽誤若未公酌合宜因避不
同心之嫌而曲從意指則涉於黨附之私臣罪滋大
是以不敢不將實情稟陳於

君父之前伏祈

皇上聖明鑒察為此具摺恭謝

天恩并陳下悃謹

奏

安徽巡撫臣徐本謹

奏恭請

皇上萬安

安徽巡撫臣徐本謹

奏為奏明事竊照支放兵糧俱有定限預借預支實

非常法今查安慶城守一營及臣標左右兩營兵餉

向例春季餉銀於歲底營中赴江甯藩庫具領到皖

請芬詠烈編卷三十文穆公奏疏第九

貯於安慶府庫按月支領後乃於十二月內預給正

月一箇月餉銀以為兵丁度歲之需行之既久遂至

兵丁不知撙節竟將歲底領回之來春全季餉銀不

貯府庫於十二月內全行借支任意花銷未及次年

二月囊橐空虛又思春借夏餉夏借秋糧日見拮据

或借支不到則舉室嗷嗷馬匹疲瘦甚至將器械盔

甲悉行質當以致營伍廢弛茲據各兵丁赴臣衙門

具呈僉稱除支來年春季全餉外再懇於府庫明春

預借一季餉銀分作十箇月扣還等情經臣嚴加申

飭並將應行撙節情由逐一開誠訓誡無如相沿日

久逋欠已積當此嚴冬除歲之際驟禁通融兵丁未

免艱難以臣愚見冬支全季春餉斷屬不可而欲加

整頓祇可逐漸更改今年歲底應暫照從前支給正

月之例再給一箇月下剩一箇月留為明春二月內

支給接濟待至來年再為預飭弁兵早為撙節至歲

底止准借支一月以此遞減兩年之後即可春放春

餉永杜預借之端雖此時未副所求各兵度歲不能

如從前之適意而將來按月獲支全餉則每年可免

匱乏之虞實於營伍兵丁均有裨益所有三營借餉

情由理合據實奏

請芬詠烈編卷三十文穆公奏疏第十

聞伏祈

皇上睿鑒施行謹

奏

安徽巡撫臣徐本謹

奏為奏明事竊照鳳陽關稅務係臣衙門經理前撫

臣程元章檄委鳳陽道何宗韓料理徵收今何宗韓

奉

旨以京員補用現在交代離任有新任鳳陽道李如

蘭原係江甯府知府臣前於江蘇臬司任內知其為

人謹飭今將鳳陽關稅務現在委令李如蘭徵收料

理臣仍不時稽察務期上裕

國課下恤商民以無負

皇上委任至意理合將委員辦理之處繕摺奏

聞謹

奏

安徽巡撫臣徐本謹

奏為恭報上江得雪日期事竊照三冬瑞雪攸關來

歲田功今於十一月二十八十二月初二等日安慶

城內連得大雪臣即飛行各屬飭查去後續據申報

前來安慶府屬之桐城潛山太湖宿松望江徽州府

屬之休甯祁門績溪婺源歙縣甯國府屬之宣城甯

國太平旌德南陵涇縣池州府屬之貴池青陽銅陵

石埭建德東流太平府屬之蕪湖當塗繁昌廬州府

屬之合肥廬江舒城巢州無為州六安州及所屬之

霍山英縣滁州及所屬之含山廣德州及所屬之建

平等州縣俱於十一月十六二十八二十九十二月

初一初二初三等日各得雪或一二寸或三四寸或

五六寸不等惟鳳陽一府潁泗亳三州尙未報到臣

細訪各屬土脈滋潤麥子俱經布種所有上江得雪

日期理合恭摺奏

聞伏祈

皇上睿鑒謹

奏

安徽巡撫臣徐本謹

奏為詳陳安徽省盜案情由并酌添捕役以資巡緝事

竊照安徽省濱河環山盜賊多有臣自抵任以來披閱

案卷報劫報竊日有數起而宿州壽州亳州等處尤

甚伏思甯謐地方全在嚴拏盜賊而嚴拏盜賊必須

嚴督捕役但有司每遇盜案竊發不過出一緝批任

其所之毫無整頓以致竊劫頻聞逸盜未能即獲臣

仰體

皇上弭盜安民至意現在分定比緝之法飭令司府

直隸州各立比簿凡係竊案提比責之府州大盜提

比責之臬司其有巨盜及案多未獲之處臣則親自

提比并照定例立限分別懲勸其沿江一帶臣復派

委員弁分路駕舟巡哨冀賊盜風再請於省城另募

幹練妥當捕役八名發與按察司衙門一間慣盜行

劫立即飛差前往協拏平日即令慎密查緝各處私

礦私鑄等項捕役每名每月於兩關存公節省浮費

項下動支銀三兩作為工食臣與臬司仍嚴加約束

誦芬詠烈編 卷三十五 文穆公奏疏第 十一

誦芬詠烈編 卷三十五 文穆公奏疏第 十二

不時體察明示賞罰不許在外生事如有違犯盡法懲治雖省城設立捕役八名未必能查拏通省大盜然各屬恐為臬司捕役拏獲有干考成諒必各知奮勵似亦整飭地方之一端至宿州等處素稱盜藪其應行防範之處臣現在悉行訪察容俟酌議妥協另行請

旨是否有當伏祈

皇上訓示施行謹

奏

安徽巡撫臣徐本謹

請芬詠烈編卷三十五文穆公奏疏第三

奏為恭報鳳陽等處雨雪霑足事竊照安慶等屬於上年十一二月內連次得雪並鳳陽一府及潁泗亳三州未據申報各情由經臣恭摺奏

聞今據鳳陽府屬之鳳陽臨淮懷遠靈璧定遠虹縣壽州宿州各申報正月初三日先得雨一寸初四日復得雪三寸至五寸八寸不等又據潁州申報正月初四日得雪六寸所屬之潁上霍邱二縣各申報十二月初二日得雪二寸正月初二日先得雨二寸初三日復得雪三寸又據泗州及所屬之盱眙天長五河三縣申報十二月初七日各得雪一寸又於正月

初二初四等日得雪五六寸不等又據亳州及所屬之太和蒙城二縣各申報正月初二日先得雨二寸初三日復得雪三寸俱稱四野霑足其從前已得冬雪之安慶等各屬亦陸續申報同日得有雨雪通省農民甚是歡悅所有安省雨雪霑足緣由理合具摺

聞謹

奏

安徽巡撫臣徐本謹

奏為奏

請芬詠烈編卷三十五文穆公奏疏第四

聞事竊照安徽所屬舒城等八州縣內有秋禾被水處所經前撫臣程元章

題報情形在案臣到任檄催據布政使馮景夏委員勘明詳報前來臣查八州縣內除壽州不致成災其亳州舒城等處被災之地雖有六七八九十分不等然每州縣不過數處餘者皆獲豐收當其初報被水之時業經前督臣尹繼善動支存公銀兩資助窮民今勘明成災之際臣現在又動存公銀兩委員前赴各該地方復加撫恤務不致有失所此時米價甚平略加安頓災民即可支持惟臘底及明歲春耕以前

正屬米價增長之候災民不無乏食之虞臣是以會同署督臣魏廷珍疏請照雍正三年之例自十二月初一日起動用存倉米穀散賑三箇月并將災田錢糧按照分數蠲免同壽州不成災之田地錢糧均請緩徵在案除安徽一省所屬秋成各分數另行開摺

恭呈御覽所有微臣辦理此案情由理合奏

聞伏乞

睿鑒謹

奏

蒲芬家烈編卷三十五文穆公奏疏第五

安徽巡撫臣徐本謹

奏為請

旨事竊照官員委署安徽省舊例俱係布政司詳委嗣因布政司駐劄江甯與安慶巡撫衙門相距遙遠詳文往返動輒月餘州縣有刑名錢穀之責委員日久不到勢必貽誤隨經前任撫臣程元章摺

奏奉部議准凡參劾之員由督臣參劾者令江甯布

政司就近詳委批署由臣衙門參劾者令安慶按察

司就近詳委批署奉

旨允准近來參劾官員出缺委署迅速地方無誤其

法甚善但查應行委署之缺不止參劾一項其餘奉旨引

見陞遷降革丁憂改教告休病故等項遺缺甚多臣

思參劾員缺既可令按察司分任辦理則其餘各項

亦可循照而行然不分定地方又恐遠近遲速亦未

合宜經臣令布按二司從長酌議去後續據該司等

稟覆甯國鳳陽太平三府并滁和廣泗毫五州所屬

地方離安慶八九百里不等俱附近督臣衙門應令

布政司徑詳督臣就近批委安慶池廬四府并六類

二州所屬地方離江甯亦八九百里不等俱附近

蒲芬家烈編卷三十五文穆公奏疏第五

衙門應令按察司徑詳臣衙門就近批委仍彼此咨

明以便查考等情與臣意見相符為此繕摺具

奏至於司道大員責任綦重應循舊例督撫會商而

行合併陳明是否有當伏祈

皇上訓示施行謹

奏

安徽巡撫臣徐本謹

奏為知府才具不同謹請酌量調補以重職守事竊

臣查得甯國府知府黃叔瑛才具中平雖未著有劣

蹟但辦事因循難勝府任伏查雍正六年八月內欽